

Yude Chogsne Chagdis.

Yude chogsne chagdisi skor.

I chagdis dia dzadkanni, khoran Yakob (Kabo Yerushalemmi chostshogssi uskyon inpin) khoe no tan Yeshui zhabstogpa in zerdug. Chossi nanja khaspa manpoe i Yuda ni Yeshui no innog zerranog. (Kabo madthe 13:55 yan Markussi 6:3 nanja Griiste yodte innog).

Khaspagunni i chagdispo Yeshui skutshabsgun sontea yoddi tus, kabo Yeshu donste sontea zhanste stinje, lo 33 ne 47 ni parla dia dzadte innog zerranog.

Yude i chagdis dicessi gyuntshanbo tatpacangunla zusme lobpon tan khon gunni labzhagunne spanpudces tan sjunla tatpa phanskangunla chadpa phogkangun idtu skulcespo inpin. Khonji i chagdis silkangunla migun mashike dadpe nanja khyoncespo khagcan, yan Konchoggi skyobba dzadcespo, khongunla idtu skulcessi dodpa nyampo dia dzads..

Yude chogsne ju.

1:1 ne 2

1 ¹ Jule, na Yuda Yeshu mashike zhabstogpa tan Yakobbi no in. Ne i igebo, bodda dzadkan, Konchog yabbi snyinje cesa dzadkan yan Yeshu mashike phia skyobste borra dzadkan gunla diad.

² Ne moslam zhuad, Konchoggi khyozhagunla snyinrje, zhide tan camspa gun, manne manja salshig.

Lobpon zusmagunni jigssnan.

1:3 ne 16

³ Cespe spungun, zhanta na khyozhagunla nadan tshanmaa thobcessi tharpe skorla dicesla rinjin yod, innan je khyozhagunla Konchoggi lancig tusgyunni phia khonji dampa migunni lagga stadda dzadkanni dadpe nanja stanpo dugcesla spospa tanjin digoshespo khagcan sammarag. ⁴ Ne tebo khyozhagunla zerrad, ciazerna nanpa mi khacig khyozhagunni chostshogssi nanja sanwe thogne des tsharte in. Tegunni Konchoggi thugrjee donbo gyurte nadangunla nanpe mitshe phudcessi ranwan

yodte innog zerranog. Tus maŋpozhiġgi sjuŋla tezug migunla chadpa phogcessi skorla ċia dzadte innog, ciazerna kħoŋgunni ŋadaŋgunni gyalpo taŋ Tsoo cigpo zhugskanni Yesħu Mashikaa ŋolog corug.

⁵ Zhanta kħyozħagunla igunni skorla lan maŋpo tshorte innog. De kħyozħagunla Tsoo Konchoggi Israelpagun Ijib yulli tsheyogne thar cugga dzadteaŋ, stiŋne kħoŋŋika idshes macoskangun, medkan coa dzadkanbo idtu skulnyinrag. ⁶ Yaŋ waŋche tshad salla dzadkanboa mathadkanni phonyagunni te Kosabo phaŋs. Konchoggi tegun muŋđiggi naŋŋa mane michadcessi lcagthagga ldamste thimscaddi te zhag tagpoe phia borra dzads. ⁷ Sodom taŋ Gamorari gyalsa yaŋ nyekħorri đoŋkħyerpa gun idtu cosħig, kagunni mitshe lusđel ŋanpa taŋ dodpa ŋanpe naŋŋa phudspa, Konchoggi me nyampo medkan coa dzads. Tegun, thamedpe mee chadpa phogcescangunni phia, spe taŋ ldamzhagshig in.

⁸ Tenna tsogs te zusme lobponggunni, Konchoggi kħoŋgunla nyilammi naŋŋa codlam ŋanpe mitshe phudcessi raŋwaŋ salte in zerranog. Tegunni waŋ yodkangunla gyabgal coste namkhe naŋŋa zhugskanni zirrijdcangunla ŋanpa zerte innog. ⁹ Innaŋ phonyagunni uskyoŋ, Mekaelliaŋ, luŋstonpa Mozessi spurri skorla rdudgunni goba nyampo thabpa dzaddus, kħoŋŋa kħoe codpe skorla ŋanpa zercessi hampa mayoŋs, innaŋ kħoŋŋi mols, "Tsooe kħyodla thimscad dzadshig." ¹⁰ Innaŋ i zusme lobponggunni, hamagokan tshaŋme gyabgalla spera ŋanpa taŋŋanog. Yaŋ samba medkanni rii semscan tsogsla, kħoraŋgunni dodpa naŋzhin cocespoe, kħoraŋgun thestor chacugganog. ¹¹ Tegunla tsamshiggi jigspa miyoŋ, ciazerna tegun, Adammi butsha Kayinni^a lam ŋanpeka đulte innog. Yaŋ tegunni norri phia luŋstonpa sdigcan Balaam^b tsogssi northul coste innog. Konchogga ŋolog cokan Kora^c tsogsla, kħoŋgunla tantan chadpa phogin.

¹² Chadpaa majigskanni te zusme lobponggunni, kħyozħaa nyampo dampe solrassi naŋŋa, khag lente teboa thelba kħyoŋste innog. Kħoŋgun kħoraŋ cigpoa stastog cokanni thelmeddi lugsdzigun innog. Kħoŋgun chu medkan phanmithogssi šin luŋspoe thidte kħyerkangun tsogs innog, yaŋ kħoŋgun shiŋtog mane machagskanni

^a**1:11** zħalchad snyiŋpe gozug zerkanni speche 4:1 ne 16 naŋŋa Kayinni kħoŋraŋŋi nobo sadskanbo ċia dzadte dug.

^b**1:11** zħalchad snyiŋpe đaŋska zerkanni speche 22:1 ne 24:25 naŋŋa Balaammi penei phia Israelpagunla ŋan tabskanbo ċia dzadte dug.

^c**1:11** zħalchad snyiŋpe đaŋska zerkanni speche 16:1 ne 35 naŋŋa kore Konchoggi ldamma dzadkanni migunni gyabgalla ŋolog coskanbo ċia dzadte dug.

lcaṅma tsogs in, kabo paṭagne pharla phudpa shiad. ¹³ Khoṅgun waṅṣul manyankanni gyatshoe chulbag tsogs innog, kagunni thelmeddi voagun kyenla phaṅṅanog. Tegun skarma tontag medpa ḍulkangun tsogs innog. Konchoggi khoṅgun tusgyun dugcessi phia, muṅḍiggi nassa tshaṅmesaṅ tiṅcanbo ldamma dzadte innog.

¹⁴ Adamne Mirabs rdunpa inkanni hanoggi^d tegunni skorla maon luṅstan salte inpin, "Stosshig Tsoo, khoṅraṅṅi dampe phonya stoṅthag maṅpo nyampo, ¹⁵ codlam ṅanpa tshaṅma coste Konchoggi gyabgalla spera ṅanpa zerte khoṅṅa majigskan tshaṅmala, khoranṅunni snyiṅṅi naṅṅa thelba tshorcugces taṅ shags dzadcesla skyoddug."

¹⁶ I zusme lobpongun tusgyun barkan, zhanme naṅṅa skyon tsalkan, khoṅraṅṅi dodpa ṅanpe lammika ḍulkan, khoran taṅ raṅṅi skorla phoso cokan taṅ raṅṅi phanthogssi phia zhanmagunla stodpa taṅṅanog.

Dadpe naṅṅa stanpo dugcessi skor.

1:17 ne 23

¹⁷ Innaṅ cespagun, ṅadaṅgunni Tsoo Yesu mashike skutshabsgunni luṅston salkangun idtua coshig. ¹⁸ Khoṅgunni khyozhaa shadda dzads,

"Thame tusla Tsooa thelba coin,

Spera taṅkanni migun yoṅste

Khoranṅunni dodpa ṅanpe lammika ḍulin."

¹⁹ Te zusme lobpongunni, khyozhagunni ṭoa naṅṅugs chacugin. Khoṅgunla dampe thugnyid med pasan, khoranṅunni sdigpe dodpa naṅzhinla mitshe phuddanog.

²⁰ Innaṅ khyozhaa cespagun, khyozhe dampe dadpe naṅṅa khyozharanṅun shugscan coshig. Yaṅ dampe thugnyiddi naṅṅa moslam tobshig. ²¹ Tsoo Yesu mashike snyiṅṅjee khyozhagunla thamedpe mitshe salcesla ṣuṅ zane, Konchoggi camspe naṅṅa dugshig.

²² Dadpe naṅṅa thetshoms yodkangunla snyiṅṅjee stonshig. ²³ Nyalwe me chogsla ḍulte chakangun kogste khyoṅshig. Yaṅ zhanmagunla snyiṅṅjee stonshig, innaṅ khyozhagun tenna sdigpe naṅṅa gyel migyelcesla shaṅ coshig, matshad khoṅgunni sdigpe lasgunni zhaste tshitu chakanni koslagpoṅ naphrad cos.

^d1:14 yaṅṅa enog zerkanni mibo

Stodpe moslam.**1:24 ne 25**

²⁴ Khyozhaa sdigpe naŋŋa gyelcesne skyobte borra dzadthubkanni Konchoggi, khyozhagunni skyon tshaŋma medkan coa dzadte, gamo nyampo khorraŋŋi zirrjiddi naŋŋa khorŋi skundunla khyoŋŋa dzadin. ²⁵ Yeshu Mashika ŋadaŋgunni Tsoo gyudte, ŋadaŋgunni Konchog taŋ skyabgon cigpoa, spal taŋ zirrjid taŋ shed taŋ waŋ gun, jigsten chagssi saŋ sŋunne dagsa tshogpa, yaŋ stiŋzhinnaŋ tusgyun thobshig, amen.